



HURRIYAT

Mustaqil gazeta

2018-yil 14-fevral, chorshanba

№ 7 (1070)

1996-yil dekabr dan chiqa boshlagan

Elektron manzil: info@uzhurriyat.uz www hurriyat.uz

ВАТАННИНГ БОЛАСИ БЎЛИШ БАХТИ

Шу юртда яшаб, шу юртда меҳнат қилиб, аммо сайлаш, сайланиш ҳуқуқидан баҳраманд бўлолмай ўзини камситилган сезиб яшаш изтиробини ҳеч ким бошидан ўтказган кўнгиллар янглиғ ҳис қилолмаса керак.

⇒ 3-бет

ОАВ — халқнинг энг яқин кўмакчиси, демократия кўзгуси

Кеча пойтахтимизнинг ЭОАВМА mediahallида (Зарафшон кино-концерт зали) ўтказилган "Оммавий ахборот воситалари халқнинг энг яқин кўмакчиси ва демократия кўзгуси" номли конференция ҳам аynи шу масалаларга бағишланди.

⇒ 4-бет

У СЕВИБ, СЕВИЛИБ ЯШАДИ...

Ибройим Юсупов XX аср қорақалпоқ адабиётини ўзининг ўлмас шеърини билан бойита олди. У узоқ йиллар Қорақалпоғистон Ёзувчилар уюшмасига раҳбарлик қилди. Бир неча бор Ўзбекистон Республикаси Олий кенгашининг депутаты этиб сайланди. У адабиёт олдидаги катта хизматлари учун "Ўзбекистон қахрамони" унвонига сазовор бўлди.

⇒ 7-бет

ЧОРШАНБАДАН ЧОРШАНБАГАЧА

7 февраль куни Ўзбекистон Республикаси Президенти Шавкат Мирзиёевнинг "Кириш туризмни ривожлантириш чора-тадбирлари тўғрисида"ги Қарори матбуотда эълон қилинди.

Президент Шавкат Мирзиёев 9 февраль куни Тошкент шаҳрида амалга оширилаётган бунёдкорлик ва ободонлаштириш ишлари билан танишиш, халқ билан мулоқот қилиш мақсадида пойтахтимиз туманларида бўлди.


9 февраль куни Алишер Навоий номидаги Ўзбекистон Миллий боғида Мир Алишер Навоий бобомиз таваллудининг 577 йиллигига бағишланган тадбир бўлиб ўтди.

"Туркистон" санъат саройида Ислом Каримов номидаги Республика хайрия жамоат фонди томонидан тайёрланган ва нашр қилинган "Ислом Каримов — мустақил Ўзбекистон асосчиси" китоб-альбомининг тақдироти бағишланган "Оташ каби ёниб, ўзгалар йўлини ёрит" мавзусида тантанали маросим бўлиб ўтди.

10 февраль куни Тошкентда Хавфсизлик масалалари бўйича Тошкент — Афғонистон қўшма комиссиясининг биринчи йиғилиши бўлиб ўтди.

Мамлакатимизда Ўзбекистон ёшлар иттифоқи ва Россия ёшлар иттифоқи ўртасида имзоланган ўзаро ҳамкорлик тўғрисидаги Англашув меморандумига мувофиқ 12—18 февраль кунлари Тошкент, Самарқанд, Бухоро шаҳарларида Ўзбекистон — Россия ёшларининг иккинчи форуми ўтказилади.

ТУРИЗМ



ЎЗА олган сурат

САМАРҚАНДАДА ХАВФСИЗ ТУРИЗМ ИНСПЕКТОРЛАРИ ИШ БОШЛАДИ

Ўзбекистон Республикаси Вазирлар Маҳкамасининг 2017 йил 23 ноябрдаги қарори билан Самарқанд, Бухоро, Хива ва Шаҳрисабз шаҳарларида хавфсиз туризмни таъминлаш концепцияси тасдиқланган эди.

Мазкур концепцияда Самарқанд, Бухоро, Хоразм ва Қашқадарё вилоятлари ИИБларида хавфсиз туризмни таъ-

минлаш бошқармалари ташкил этилиши, уларнинг бошлиқлари бир вақтнинг ўзида ИИБ бошлигининг

ўринбосари ҳисобланиши, шахсий таркиб эса танлов асосида, биринчи навбатда, чет тилларни биладиган ходимлар сафидан шакллантирилиши назарда тутилган эди.

Самарқанд вилояти ИИБ жамоатчилиги ва оммавий ахборот воситалари билан алоқалар гуруҳи маълумо-

тига кўра, Самарқандда ҳам хавфсиз туризмни таъминлаш бошқармаси ташкил этилди. Бошқарма учун алоҳида бино ажратилиб, бугунга қадар 50 га яқин ходим ишга қабул қилинган. Инспекторлар транспорт ва алоқа воситалари билан таъминланмоқда. Ходимлар сафига Самар-

қанд давлат чет тиллар институтини битираётган, инглиз, француз, япон, корейс ва бошқа хорижий тилларни пухта ўзлаштирган ҳамда тарихимиз, қадимий обидаларимиз ва миллий қадриятларимиз ҳақида чуқур билимга эга бўлган талабалар ҳам суҳбат асосида қабул қилинмоқда.

Хавфсиз туризмни таъминлаш хизмати ходимлари тиббиёт қутиси, Самарқанднинг тарихий обида ва маданий объектлари схемаси билан кичик харита билан таъминланган. Улар асосан туристлар гавжум бўладиган жойлар, тарихий обидаларда иш олиб боришади.

Бизнинг фаолиятимиз сайёҳлик масканларида хавфсиз туризмни ташкил этишдан иборат, — дейди инспектор Фотима Раҳматова. — Бу факат сайёҳларнинг хавфсизлигини таъминлаш эмас, балки уларга зарур ёрдам кўрсатишни ҳам назарда тутлади. Мисол учун, бирор-бир сайёҳнинг тоби қочса, унга биринчи тиббий ёрдам кўрсатиб, шифохона ёки меҳмонхонага етказиш, адашиб қолган сайёҳларни улар излаётган манзилга кузатиб қўйиш ҳам хизмат вазирамизга кирди.

Хавфсиз туризмни таъминлаш хизмати йўлга қўйилгани Самарқандга таширф буюраётган сайёҳларга юқори сифатли хизмат кўрсатишга ёрдам беради.

Ф.ХАСАНОВ,
ЎЗА мухбири

ЗАВТ ЭТИЛГАН МАРРАЛАР



ФАОЛИЯТ

Бугун ҳаётимизнинг барча жабҳаларида эришилган юқори натижалар билан ҳар қанча фахрлансак арзийди. Аҳамиятлиси, Ватан тараққиёти, мамлакатдаги кенг қамровли ислохотлар, турмушимизнинг фаровонлиги, юртнинг ободлиги халқимиз қалбу тафаккурида ўзининг ёрқин ифодасини топмоқда.

Чунончи, "Ўзбекистон темир йўллари" акшидорлик жамияти ҳам бу борада юртдошларимизга қулай ва беминнат хизмат кўрсатиш, шарт-шароитлар яратиш мақсадида ташаббускор бўлмоқда. Соҳанинг йилдан-йилга ривожланаётгани боис, нафақат минглаб йўловчилар, балки халқ хўжалиги юклари

ҳам ўз манзилига бекаму қўст, етказиб берилмоқда. Темир йўл хизмати ҳақида гап борганда уларни иқтисодийнинг жон томирлари деб эътироф этилади. Соҳа ходимларининг маънавий меҳнати натижасида ўта муҳим лойиҳалар амалга ўтга жорий қилинмоқда. Хусусан, қисқа вақт мобайнида худудий йўналишларни

электрлаштириш, йўловчи ва юк поездларининг хавфсиз, ишончли ва тезкор ҳаракатланиши ҳамда эксплуатация сарф-харажатларини камайтириш имкони яратилди.

2016 йилдан жамиятнинг "Ангрен — Поп" йўналиши бўйича ҳам фаолияти йўлга қўйилди.

Илгарилари Фарғона водийсида ҳам электропоезд катнайди деса, биров ишонмасди. Бу ҳам халқимизнинг узоғини яқин қилиш борасидаги, одамлар манфаатини кўзлаб амалга оширилаётган ислохотлар самарасидир.

2-бет

Газета ўқишга узоқни кўра олмайди!

Ўқинг, баҳра олинг ва уни дўстларингизга ҳам ҳадя этинг. "Hurriyat" да чоп этилган материаллар билан www hurriyat.uz сайти орқали ҳам танишингиз мумкин.



"HURRIYAT" ГАЗЕТАСИ СИЗНИНГ ДОИМИЙ ҲАМРОҲИНГИЗ БЎЛИШИГА ИШОНАМИЗ!

ТАШАББУС

"Раҳбар бўлсанг, КИТОБ ЎҚИ!"

Маълумки, Ўзбекистон Республикаси Президентининг "Китоб маҳсулотларини нашр этиш ва тарқатиш тизимини ривожлантириш, китоб мутоласи ва китобхонлик маданиятини ошириш ҳамда тарғиб қилиш бўйича комплекс чора-тадбирлар дастури тўғрисида" 2017 йил 13 сентябрдаги ПҚ-3271-сон қарорига асосан Ўзбекистон матбуот ва ахборот агентлиги китоб маҳсулотларини чоп этиш ва тарқатиш тизимини такомиллаштириш ҳамда ахборот-кутубхона фаолияти соҳасидаги махсус ваколатли давлат органи этиб белгиланган.



Агентлик бу борада бир қанча хайрли ишларни амалга ошириб келмоқда. Яқинда тизимда яна бир ибратли ташаббусга қўл урилди. Ўзбекистон матбуот ва ахборот агентлиги Бош директорининг буйруғи билан Агентлик марказий аппарати, тизимдаги нашриёт-матбаа ижодий уйлари, Қорақалпоғистон Республикаси матбуот ва ахборот агентлиги, Тошкент шаҳар ва вилоятлар матбуот ва ахборот бошқармалари раҳбар-

ҳодимлари ҳар ойда қаида биттадан бадиий асар ўқиши лозимлиги белгилаб қўйилди. "Раҳбар бўлсанг, китоб ўқи!" маънавий-мағрифий ташаббусига асосан тизим бўйича ҳар ойнинг охириги шанба куни "Мутолаа ҳисоботи" кунини этиб белгиланди. Унга кўра, ҳар бир раҳбар-ҳодим ўша кунини ўзи ишлаган идоранинг расмий веб-сайтида ўқиган китоби ҳақида ёзган таассуротларини эълон қилади. Энг китобхон раҳбарларнинг ёзган ҳисоботларига

қараб Ўзбекистон матбуот ва ахборот агентлиги томонидан рағбатлантириб борилади. Бунда раҳбар-ҳодимнинг ўз оиласида китоб ўқишига тарғиб қилиш фаолияти ҳам ҳисобга олинади. Бундан ташқари, Агентлик 1500 дан ошқ оммавий ахборот воситаси, 130 дан ортққ нашриёт ва 1800 га яқин босмахонада меҳнат қилаётган минглаб соҳа раҳбарларини ҳам ушбу ташаббусни фаол қўллаб-қувватлашга чорлаган.

Матбуот хизмати

